

## **Incumbensa da la fracziun da la PS concernent ina soluziun per ils tschains da locaziun da fatschentas durant la crisa da corona**

A bleras interpresas chaschuna la crisa da corona il grond squitsch da betg pudair ademplir lur obligaziuns. Pajar ils tschains da locaziun da fatschentas daventa ina gronda sfida per interpresas economicas, sch'ellas na pon betg ademplir cumpletmain lur activitad commerciala. Uschia vai oravant tut per l'existenza da plazzas da lavur. Sin plaun federal è sa mussada ditg ina soluziun che ha però fatg definitivamain naufragi.

Il chantun Basilea-Champagna ha elavurà sin plaun chantunal ina soluziun d'in terz. Tenor questa soluziun sustegna il chantun las locatarias ed ils locataris cun in terz dals tschains da locaziun nets, sche locatarias e locataris e locaturas e locaturs s'accordan ad ina reduenziun d'in terz dal tschains da locaziun. La Lescha respectiva davart contribuziuns a tschains da locaziun da fatschentas pervia da COVID-19 è vegnida concludida dal pievel ils 29 da november 2020. Ina tala soluziun u ina soluziun sumeglianta pudess distgargiar effizientamain bleras interpresas pitschnas e mesaunas er en il chantun Grischun. La Regenza vesa forsà ulteriuras/autras pussaivladads che pudessan avair in effect sumegliant.

La Regenza vegn incumbensada da chattar sin plaun chantunal soluziuns per la problematica dals tschains da locaziun da fatschentas e d'examinar en quest connex spezialmain la lescha dal chantun Basilea-Champagna.

Tavau, ils 9 da december 2020

**Degiacomi**, Atanes, Baselgia-Brunner, Caviezel (Cuira), Cahenzli-Philipp, Hofmann, Müller (Favugn), Perl, Preisig, Wilhelm, Giudicetti, Hirsbrunner, Pajic, Schwärzel, Stieger, Tomaschett (Cuira)